

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 12.11.2019թ. թիվ 1910389695 որոշումը բեկանելու, իսկ 12.11.2019թ. թիվ 1910389693 որոշումն անփոփոխ թողնելու մասին

<<14>> 05 2020թ. 7-13- 5557

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Ռազմիկ Էլիզբարյանի ՄԴ/19429-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Աղայան փողոցի 11Դ շենքի 7-րդ բնակարանի բնակիչ Ռազմիկ Էլիզբարյանը դիմումով խնդրել է վերանայել Ճանապարհային ոստիկանության կողմից կայացված վարչական տույժ նշանակելու մասին 12.11.2019թ. թիվ 1910389695 և 1910389693 որոշումները՝ նշելով, որ նույն իրավախախտման համար կայացվել են տարբեր որոշումներ:

Դիմումի քննարկման արդյունքում պարզվել է, որ դիմումատուի խնդրանքը ենթակա է բավարարման՝ հետևյալ պատճառաբանությամբ.

Ղեկավարվելով <<Վարչարարության հիմունքների և վարչական վարույթի մասին>> օրենքի 37-րդ հոդվածի պահանջներով, քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները:

Ճանապարհային ոստիկանության 12.11.2019թ. թիվ 1910389695 և 1910389693 որոշումների հիմքերում դրված տեսանյութերը փաստում են, որ դիմումատուին պատկանող տրանսպորտային միջոցի վարորդը ենթարկվել է վարչական պատասխանատվության 5.15.1՝ <<Երթևեկության ուղղությունները գոտիներով>> ճանապարհային նշանի պահանջը խախտելու համար: Նշված իրավախախտումն արձանագրվել է 27.10.2019թ. ժամը 13:43-ին Երևան քաղաքի Սայաթ-Նովա – Տերյան փողոցների խաչմերուկի հատվածում:

Նկատի ունենալով, որ 5.15.1՝ <<Երթևեկության ուղղությունները գոտիներով>> ճանապարհային նշանի պահանջը խախտելու համար դիմումատուն Ճանապարհային ոստիկանության 12.11.2019թ. թիվ 1910389693 որոշմամբ արդեն իսկ ենթարկվել է վարչական պատասխանատվության և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 12.11.2019թ. թիվ 1910389695 որոշումը բեկանել և վարչական իրավախախտման վերաբերյալ գործի վարույթը կարճել:
2. Ճանապարհային ոստիկանության վարչական տույժ նշանակելու մասին 12.11.2019թ. թիվ 1910389693 որոշումը թողնել անփոփոխ, իսկ վարչական բողոքը՝ դրան վերաբերող մասով, առանց բավարարման:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել ՃՈ Ֆինանսական բաժանմունք և Ռազմիկ Էլիզբարյանին:



Ե.Կարապետյան